

# Ирсн улсиг байртагъар тосцхана

Сарпинск районд ирсн хальмгудиг ик байрта кевър тосджацхана. Ода эн районд 1046 гер-бұл ирсн бәәнә.

Эн ирсн хальмгудас 481 гер-бұл гермүд, хаша-хаацтагъинь өгч. Намр күртл цуг ирсн хальмгудт гермүд бәрдж өгхин кергт партийн, советск болн селәнә эдл-ахун гардачнр ик дөнъ-нөкд болдж, гермүд бәрдж авхин болн саалин үкрмүд хулддж авхин кергт государственн ссуд авлгъиг цаглань селәнә эдл-ахун банкас өгүлдж бәәцхәнә.

Ирсн хальмгуд государствас ссуд авч эврән гермүд бәрджәцхәнә. Ода 95 гер тосхгдад төгсджәнә. Дакад неджәд өрк-бұл болн хошад өрк-бұл бәәдг 72 гермүд совхозмуд болн МТС-д тосхджацхана, тер гермүд цугтан ирсн хальмгудт өггдхмн.

Бәәх гермүд шунмгъагъар тосххин төлә шинәс тосхлтин бригадс бүрдәдж, шаврар кирпич цокдж, хулсар кесн плиткс икәр белддж йовцхана.

„Степной“ совхозин директор ұр Медведев ирсн хальмгудт йир сәәнәр дөнъ-нөкд болдж бәәнә. Үлгүрлхд, директор ирсн 147 хальмг өрк-бүләс 122 өрк-бұл гермүд бәрүләд өгчкв. Ода 34 гер бәргдджәнә, эн бәргдджәх гермүдәс 21 геринь хальмгуд эврән бәрджәцхәнә. Эн совхозд тосхлтин тавн бригад бүрдәгдсн бәәнә. Тосхлтин бригадс шунмгъа кевәр көдлдж, намрин киитн иртл ирсн, цуг хальмгудиг дулахн-гермүдт орулхар йир сән седкл зүүддж, эврәннь цогцан хәәрл

лго, цагиг-цаг гилго көдлдж йовцхана.

Ирсн хальмгуд цаг тудәлго, тосхлтин көдлмш хурдар кехин төлә эврәннь чидлән хәәрлго орлицдж йовцхана: „Степной“ совхозд, ирсн хальмгуд цугтан көдлмшд орсн бәәнә. Эдн нургълдж хөбч, үкрч, механизатор болн нань чигн көдлмшт бәәцхәнә.

„Сарпинский“ болн Чапаевин нертә совхозд, Ильичин нертә колхозд ирцхәсн хальмгудт сәәнәр дөнъгән өгч оли зүсн көдлмшт орулдж, өмннь бәәсн әмтслә гар-гаран бәрлдж, олна мал, эдл-уш улм икәр өсгхин төлә сән седклән тәвдж көдлджәцхәнә.

Ирсн хальмгудт саадж элтхә гидж 423 үкр өггдв. Дакад 582 толгъа хө болн яма өггдсн бәәнә. „Гигант“ гидг колхозд ирсн хальмгудт кергтә тоотан хулддж автха гигъад таслвр уга маши өгнә. Тегәд эдн Сталинград. балгъс ордж, үкр-мал тендәс хулддж авна, дакад герин өлг-эд, стол, орн болн нань чигн хамг кергтәгъән оч авцхана. Хальмгудт цугъараднь үкр хулддж авх ссуд өгсн бәәнә.

Түрү бәәх 223 гер-бұл 70 минъгън арслнь мөнъгәр дөнъ өггдв.

Сарпинск районд ирәд көдлджәх хальмгуд цуг оln-келн әмтнлә хамдан йовдж, көдлмшән шунмгъа күцлмүд-тәгъәр кедж, орн-нутгтан мах, үс, тос болн ноос икәр гаргъдж өгхин төлә күчн-чидлән хәәрлго көдлджәцхәнә.

М. КАРПЕНКО.